

## **1.UVOD**

Tema ovog diplomskog rada je žrtve terorizma. Odabrala sam ovu temu jer je terorizam jedan od najvećih problema koji je sve više zastupljen u svijetu i na koji želim ukazati u ovom radu, jer je broj žrtava terorizma svakim danom sve veći . Terorizam je motivisan različitim uzrocima, od kojih su najčešći politički i vjerski . Objasniću šta je to terorizam, koje su to vrste terorizma, ko su žrtve terorizma kao i pomenuti propise i nadležne organe koji se bave ovim problemom, kako u svijetu tako i u BiH, međunarodna i domaća iskustva koja se odnose na terorizam. Vazno je spomenuti da su žrtve uvijek nevini ljudi koji nisu u nikakvoj vezi sa proklamiranim ciljevima terorističkih organizacija, i zato zaslužuju oštru moralnu osudu i izazivaju ogorčenja u svijetu.

Uzroci ugrožavanja predstavljaju pojave i procese koje svojom kombinacijom dovode do terorizma kao negativne društvene pojave. Ovi uzroci podrazumijevaju objektivno postojanje onih društvenih stanja i odnosa koja se mogu utvrditi i koji kao takvi dovode do terorizma. U izučavanju uzroka terorizma nailazimo na problematiku u borbi protiv terorizma. Razlog tome nalazi se u činjenici da je uzroke terorizma moguće određivati samo pojedinačno za svaku državu ili npr.region uz istraživanje određenih elemenata i uopšte relevantnog stanja koje mora biti dovoljno upečatljivo da bi se terorizam mogao tumačiti kao značajni društveni fenomen.

U svom radu bavila sam se pojmovnim definisanjem terorizma, vrstama terorizma, savremenom terorizmu, žrtvama terorizma i njihovim pravima, terorističkim napadma u BiH (tu govorim o tri napada u kojem je bilo žrtvi ).

Obradom ove teme htjela sam ukazati da je terorizam globalni problem i da je samim tim i broj žrtava veliki i da je neophodno angažovanje svih nadležnih institucija, kako domaćih tako i međunarodnih.

## **2. DOMAĆI I MEĐUNARODNI PROPISI**